

Angele ohne Hooke un doch Wilhelm Neußer ene decke Fesch fange

Ovv dat all woher ess, wat sich die ahl Löck en menge Kindezegg noch övve et Stompe Kröcks an de Ahlerodde Schossieh vezällen dähten, dat doh nämlich ene Weldschötzt – dä eemohl von Hasbich, dann wedde von Wahn ode jar von de ande Rhingsegg jeweeers soll senn, nä, doch net von Droosdorref, doh dähten Löck esu jet net – , ene Föösche duud jeschosse soll hann, jeschnapp ess wuorde un net lang donoh ze Sieborrech op de Zang am Jalleje jehange soll hann, weeiß ich net. Widd wall jet drahn senn. Wenn och velleech, wie esu öff, uss ene Möck ene Elefant jemaht wuorde kann senn.

Jefalle hätt me nömmen, wenn ich loos ode vezälle huurt, dat bloß emme die huhe, jruuße, riche Hääre en Bösch, Heed un Aache et Jefeechs jaare dorfdn, Kräbs un Fesch op de Desch kräächden. Joh, joh, wenn jedereene dat dörref, jööv et velleech att lang nix mieh ze scheeße un ze fange. Ävve dat dat fröhte, och noch höck, all met räächde Dinge zohjeht, dat kamme kenne mieh wies maache. Un me Läbdaach hann ich menge Spaß drahn jehatt, wenn et enem Jerööchde jeplupp woor, „danne doh oven“, ejal, wat füren, en lang Naas ze drähe un och ess e Kningche, ene Öl ode en Speckjuuv , ohne Angel- ode Jaachscheng, em Pott ze hann. Probiert hammer et als Pänz heh un doh och. En de Pott ess dobei nix jekomme. Ävve Oprääjung, jresselich schön Oprääjung, hamme en etliche Mohle dobei jehatt.

Zwei dovon jinken esu: – nä, ich woor et net, hellich un seche, woor

ich vell ze bang füür, wo doch dem Hoff's Hännens, eenem von usse Pollezei, seng Moode en Kusien von menge Oma woor. Wat meende, wat dat deheem füür e Spell hätt jeovve, wenn der mich am Äng krääch un en de Bläch hätt jebraht!

Alsu: Nä! – Dat woor – hauptsächlich – dä Köbesje, e janz jerööch Jöngelche, dä späde selevs e Hohes Jerich ess wuorde. Der woor – vesteht sich – en ussem Alte, nä, velleech zwei, drei Jöhrche äldere wie ich, ävve me hatten att öff en ee Kühliche jepiss, un hätt männechem, der meent, hä wöß jet un hätt jet un dörref un könnst jet, suuu en lang Naas jedrieht.

Nu hatt duh eene et janze Wasse jepaach, von Dohndrett bes henge Menge, un hatt att e paar von uss öm de Backe jehaue, wemme met bläcke Fööß en de Aache wooren jetapp un hatten, enn ene Blechbüch, e hallef Dotzend Fippche jefange, die me suwiesu mierschdens wedde uss dähten schödde. Se met heem ze nämmen, hat kenne Zweck. De ande Morje wöören se doch kapott jeweeers.

Alsu däm Bleichjesech, däm räudijen Sonn einer noch räudijeren Hündin hatte me die Rache der tapferen Rothäute vom Stamme der Sioux jeschworen!

Hätt mich eene jefrooch, wat dat heeschen däht, hätt ich nix jewoß. Dobei konnt ich jood Bloot sehe. Wie nämlich de Tant Jretche en de Duuvejass ihr Sau jeschlaach woor wuorde, hatt ich jefrooch, off ich nohm Stäche et Bloot dörref rühre. De Mama woor loofe jejange, ävve ich däht rühre bess zom lätzte Droppe.

Nu kohm dä Köbesje un säht füür

uns sechs: „Me maachen uns jede en Angel! Hengen em Brooch stonn joh Fuulbohmstrüch jenooh. Doh domme janz dönn Koord drahn benge, onge e Börrohklämmeche, zeräächjeboore, drahnjebonge. Die domme dann ens et Oovens alle fuffzich Schrett hengerem Röhrichsiefe en de Erd stechel!“

„Ja, un?“ dähte me froore, „Wat soll dat?“ – „Affwaadel!“ säht de Kööbesje, „Dat vezällen ich üch morje!“

De ande Daach troofe me uns ze sechst – de sebbete, de Puckel, der ävve jar kenne Puckel hatt, bloß, der konnt seng linke Scholde wie ene Puckel huhstippe, däht fähle. Dän hatt senge Papa beim Weckel krääch, iehr, datte av konnt haue, weile seng Aufjab wedde noch net ferdich hatt jehatt. Alsu sechs woore me hengerem Uhlerott. Un de Köbesje hatt en jruuße Herringsbüch bei sich.

Dat jlööv't e net, wenn ich üch vezälle, wat doh drenn woor: Sebbe Herringsköpp, noch janz fresch, un doh drahn noch et Jerepp un de Stätze!

Die Herring hatt seng Mama uss de Tonn vom Waare vom Lehmäche jekoof, zehn Stöck füür fuffzehn Jrosche, hatt et Fleesch en zwei Hälefde von de Jröote jepiddelt für Herringsstipp ze maache.

Se hatt joh ens jeluurt, wie de Köbesje se frooren däht, ovve die Herringsköpp met Stätze em Jaade vejraave söhl – dat woor se net jewennt, dat dä Köbesje von alleen jet donn wohl – hatt ävve dann jenick.

De Köbesje hatt em Jaade esu jar e Loch jejraave, ävve die Köpp doch net drenn jedonn. Söss hätte se joh nu net bei sich hann können. Me mohten nu an jede Angel eene Kopp op esu e Höökche spieße un die dann vom Uufe en et Wasse hange.

Dann looche me, bess et att bah düüste woor, em Jestrüpp, von däm uss me zwei von usse Angele sehn konnten.

Wie dä Keerl kohm, hatte die ierschde Angel att en de Häng.

nohm die zweite un drette eraus, jink wegge, un wie mir uns trauten, op heem ahn ze loofe, wooren die letzte vier och fott.

Schaad: Me konnten net sehn un net hüüre, wie der Keerl sich ahn hätt jestellt.

Usse Spaß hamme ävve doch jehatt. Net bloß an däm Oovend. Nä, e paar Daach späade stonnt nämlich em Blättche, en de Aache jöof et Herring. Ene Feschpächte hätt ere sebbe Stöck jefange.

Un mir dähten e paar Mädchen en

Spaß hatten! Ävve dohmet net jenooch: Dä Sonn von enem scheerle Peerd sollt ere noch eene drop krieje!

Un dat jink, noh mennestens enem Dotzend Piefe rooche, en alle vier Winde, met Quallem von Eerpelsstrüh, un Tiftele un Speckeliere esu: Wie un wo, weeß ich net, wuurd en richtije Angel jelieht. Doh wuurd ene richtije Fesch drahn jehange, dän de Beertes ze Berchem vom Ööle Hein jeschenk hatt krääch, un en et Wasse je-

Fränz krääch se jetupp un däht deswäjen dä Keerl en et Wasse däue; de Fränz däht fottloofe – konnte jood! –, dä Keerl hengher, un mir nöhmen die Angel wedde fott, senge corpes delligdi, un wat net all.

Et kohm ävve noch vell, vell schöne!

Dä Keerl däht ahnschleiche – dä Fränz woor blind un doof, ausjerehend dä Fränz, dä schleichende Puma! –, schnapp de Fränz em Jenick, reß em met eene Hand die Angel fott, trook se ussem Wasse, sooch dä Fesch, stooch dä Angelstock en e Loch un leht Schnur, Schwemme un Fesch em Wasse hange, un schleef dä Fränz fott.

Weßde, wie wegg et ze Fooß vom Röhrichsiefe lans de Aache bess noh de Bröck un dann övve de Schossieh bess noh de Wach ess, siehnröhks am Bahnhof, wo och vürrem Kreech de Wach woor? Un de Fränz dorref joh net ze brav metjonn.

Mir all dähten, net ze noh, hengeherschleiche bess beim Schluffe an de Bröck, wat höck Saga-Bar heesch. Dann mohte me waade, off noch jet köhm.

Et däht ärrech lang duure, esu lang, dat de Walte att heem moht.

Johzeggs sooche me se ze drett wedde ömkomme. Jah! Net ze zwätt! Dä Keerl, de Fränz un – ene Pollezei! Kann senn, dat et de Daufenbach woor.

Nu mohte me wedde veschwinde un uss vesteche, konnten ävve jet nöhte op die Angel zoh hutsche. Et woor joh att bahl düüste.

Der Keerl schannt: „Doh hann die Vebreche“ – „die“ sähte, un de Fränz woor doch bloß eene! – die Angel stonn!“

„Nur die Ruhe!“ säht der Pollezei, „Dat nämnen ich all genau ze Prottekoll!“ Hä nohm et ävve att ärrech genau! Un schreff un schreff – jedenfalls sooch et esu uss –, däht dozweschen att ens de Bleisteff naaß maache, frooch un frooch, dä Keerl, de Fränz, nick, schöddelt de Kopp, kratz sich hengerem Uhr – hengerem



de Scholl wegge vezälle, dat me die Herringsangele op hatten jestallt. Un die brahten et onge de Löck em Dörrep. Besondeschs, weil me jesaht hatten, dat dörvden se ävve net wegge vezälle, dat wöör et hühksde Stammesjehemnis, beschworen beim allehüksde Mannetu.

Wat meende, wie flöck die dat „Jehemnis“ onge de Löck brahten! Erjend eene von dä Bekannte von däm Feschpächde, der och wedde en een von usse sebbe Famellije ode esu jar vom Köbesje bekannt woor, hatt bei dänne vezallt, wat der Angelkeerl jeflooch un watte fүүr en Rache uss ahnjedroht hatt. Uss, däm weisen Rat der Rothäute vom Ovvedörrep!

Wat meende, wat mir fүүr ene

hange. Nä, der woor doch att lang net mieh lebendich!

Nu moht de Fränz, dä et decksde Fell hatt, dobeisette un waade, bess dä Köbesje wie en Älste racken däht – dat konnt dä esu jood, dat de et net von ene richtije Älste ongescheede konns –, un dann woß dä Fränz, dat mir, die me enn sechsich, sebbezich Schrett von de Aache fott sooßen, enn ene Kuhl em Jestrüpp, dat me jesehn hatten, dat dä Feschkeerl ongewäächs woor.

Nu däht der Fränz esu, äss wenne de jrüütsde Brassel hätt, dä Fesch an Land ze krieje un däs wäjen net oppasse könnt, ov eene köhm.

Wat dann passieren däht, woßden me net. Ävve wat hatte me all ussjemoolt, wat passiere könnt: De

räächde; en de linke Hand hatte joh senge Prottekollbooch, schreff wedde – schaad, dat me net esu noh konnten komme, dat me alles vestonn konnten – , joof dann däm Keerl senge Booch, dem Fränz senge Bleisteff.

Doh konnte me vestonn, wie dä Keerl janz laut füür de Fränz däht saare: „Jäff dä Bleisteff her, du Vebreche!“ Ävve dä Pollezei nohm em dän wedde av un joof en dem Fränz wedde. Doh schannt dä Keerl noch mieh, un dä Pollezei däht noch jet schrieve, heelt enn un bedaach sich un schreff noch jet. Vell späade hann ich dat Prottekoll ze lässe krääch. Doh woß ich, woröm dat dä Pollezei enn hatt jehaale met Schrieve: Dä Satz däht heesche: Inkulpat wird vom Kläger beschimpft. Dat schwere, jeliehrte Woord woor zweimol dorrech-jestreiche un e drettes Mol, richtich, hinjeschrevve.

Wedde daute dänne zwei Booch un

Bleisteff en de Häng, jink die drei, vier Schrett op et Oofe ahn, böck sich, nohm die Angelrutt, trook se uss däm Loch un schnöcks se en de Hüh.

Dat jink esu leech, dat däm Pollezei dat Angeljaan en et Jeseech klatsch. Hä krääch et am letzde Mete ze packe, leht et dorrech de Fengere rötsche, op et Äng ahn, wohl dä Fesch beluure, der dohdrahn sollt hange – nix! Hä luurt noch ens, pack et Äng: Nix! Kenne Fesch un kenne Hooke, kenne Knöddel, nix!

Et duurt en drei, vier Häzzschlääch, dann joof sich dä Pollezei an et Laache, esu hatt un esu lang, dat all Rieh, well Säu, Kröh un Ältere bess wegg en de Wahne Heed stifte jinken un daareläng net weddekohmen.

Meende, mir hätten net jelaach, ävve, schweerjenooch, janz leis? Mir woßden doch, wo Fesch un Hooke wooren, der Fesch vom Ööle Hein!

De Hööks Pitte hätt oovendeläng de Buud voll jehatt un mieh Bier jezapp wie söss op Kermes. Et haleve Ovvedörrep wohl doch, met Bier un Kohn, dä Fesch schwemme losse.

Dä Feschkeerl wohl, wejen Feschfrevels, ze Sieborrech klaare. Doh hatte ärrech Pech, datte an ene Richten namens Bleifeld jereet. Dä woor ene Jrieläche. „Klage wird wegen Aussichtslosigkeit abgewiesen!“ schreff dä.

Jlich drop hätt dä Keerl die Feschpaach drahn jejovve un ess bess bahl noh Möckeleböm fottjetrocke.

Ävve Fasteloovend esse mennstens e Dotzendmol met däm jemeldte, fottjefloorene Fesch en de Bött jekomme.

Jlöövde me, dat ich kee Fippche mieh beluure kann, ohne ze jriemele? Un weeß, bess en et Häzzekühlche, dat Schadenfreude de reenste Freud ess?

Honnich öm de Bart schmiere

Wilhelm Neußer

Nä, dat donn ich me Lääbe net mieh!

Ahnjefange hatt alles met mengem Övvelääch, wat ich diss Johr füür e Kreppeche könnt maache. Dat vom Papa, wat alle Johrschs et Chresskinche wedde op däht stelle, jefeel me net mieh. Dat ahle Strüh un Heu drenn woor att janz möffich.

De Dränkemme füür de Ässel, jruuß wie ene opjebloosene Fengehoot, woor att janz veblötsch. Woröm, weeß ich net. Dä Ässel woor seche net schold drahn. Der däht joh net trädde. Un dem Oorß seng Jeseech sooch emme uss, äs wenne beleidich wöör.

Ich hatt me e jruuß Sacklenge besorech. Dat hatt ovenop em Schopp ongerem Heu jeläaje.

Fröhte hatt de Oma et döckesch jebbruch füür em Bösch Strau ze holle, füür en de Jeebestall.

Dat Dooch woor jood zwei Schrett em Jeviert, an jede Eck ene Bengel. Wenn de Oma nu ene joode Hoof Strau zesamme hatt jekratz un op dat Dooch hatt jepack, wuurten die Ecke övve de Medde fessjetrocke un jeknöddelt.

Dann däht sich de Oma ene decke Stoffring op de Kopp läaje – ihr Locke? Bess de ahdich! Dat hätt der noch jefählt, Locke ze drähe! – , pack die Strau un satz sich die op dä Ring om Kopp. Dä Pack schleef die vom Fleejeberech esu heem.

Nu bruch se et Dooch net mieh, weil de letzte Jeeß vekoof ess. Un wie ich jefrooch hatt, hatt se jesaht: „Nämm der et met!“

Et huurt sich e beßje leedmödich ahn.

Su. Un nu wohl ich dat Dooch iersch met Liehm dränke un et dann, wenn der Liehm jet fäss wöör, esu dröcke, dat et en Felsenhöhle jöof, füür en ganze Heerd Schoof un de Hellije Famellich.

Liehm hatt ich att zebasch. Dän joof et en de Küürte Werekstatt, wo de Onkel Will un de Josef un de Johannes schrengere dähten. Die koofden dä Holzliehm en Tafele, bahl wie en Bienewaab jruuß. Die wuurten en enem ahle Kochpott en heeß Wasse opjerührt.

Wenn ich e paarmohl de Werekstatt op hatt jerühmp un de Hubbelspöön opjekehrt, doref ich me att ens e Stöck von ene Liehmtafel metnämme.

Wenn nu dat Sacklengedooch de richtige Forem hätt, möht et ennen un ussen fengedeck met Jips beschmiert werde, un ussen en dä fresche, noch weeche Jips janz vell Kisselsteenche – loochen am Aachdich hoofewies – jedröck werde.

Zwei huh Botzemme voll Jips, meent ich, wöören nühdich.

Jips koofe? Der däht zwor et Pond bloß fönnef Pänning koste. Ävve ene Emme wöören joh att zehn, zwöllef Pond, alsu fönnef, sechs Jrosche. Un ich hatt bloß eenundressich Pänning.

Nu hatt joh dä ande Onkel Will, der Elektrike, emme Jips en de Werekstatt stonn füür wenn en enem Bau jearbeed wierd. Un ich hatt och ens en Ennmaach-büchs voll Jips von em jekrääch. Ävve wenn ich an seng Jeseech dobei daach, füür e halef Pond Jips – , nä, leeve net. — Ode doch?

Wie ich erömdrucks beim Papa, säht dä: “Jank nohm Onkel Will! Du moß em ävve jenooch Honnich öm de Bart schmiere!”

Et iersch moht ich denke: “Der hätt doch jar kenne Bart. Bloß

su e klee Schnäuzeche! – Wie kann ich däm Honnich ...?”

Ävve halt! De Papa hatt joh och kenne Bart. Un däht me emme de Bart schüüre, wemme am roose wooren un hä sich ene Daach net rasiert hatt.

Un de Papa hatt joh net jesaht, wie lang der Bart senn möht.

Alsu neue Prackessier!

Wo jitt et Honnich? Beim Bernickel en de Duuvejass. Der hätt Biene. Ävve bei däm trauen ich mich net ze froore.

De Bäcke Mölle en de Kerrechstrooß? Doh jomme doch et Bruut koofe. Mir un de Berechstrooße Oma.

Moß ich met der ens enkoofe jonn. Un dann moß die froore, ov ich ens de Biene jezeech krieje. Fällt velleech enne Löffel Honnich bei av.

Die Biene kriejen ich jezeech, ävve Honnich fällt net av. Dobei steht em Laade e halef Rejal voll. Dat Kniesuhr!

Iersch, wie ich bei de Mama e paarmohl jebäddelt hann: “Ich mööch ens Honnich op en Botteram hann!”, bränk se e halef Pond met vom Engelse Pette. “Ävve net füür ze schluche”, säht se.

Well ich joh och jar net. – Emme

gen am Uhr vom linke Back – , ode woor et et räächde – ess ejal, ne? – ahn Honnich opzeschmiere. Vom Bart spüren ich net vell, ess zemlich fresch rasiert.

Ich hann noch net drei Fengebreet jeschmiert, doh rieß de Onkel Will de Oore op, setz met eenem Ruck oprääch, un doh kriejen ich ere och att eene links un eene räächs öm de Backe jeklatsch. Et Prömtabaksdösje flüch quer dorech et Zemme, de Onkel Will schänk: “Vedammte Saupanz!”, un klatsch mer e noch e paar, un trotz derPeng moß ich denke: “Dat widd wall nix



donn se teräck jet Schläächdes denke!

Ha! Wie fein dönn dä Honnich noch lööf! Doh bruch ich joh net vell füür em Onkel Will senge Bart!

Ävve en lewichkeet vejeht, bess ich dän ens treffe, wie e jrad om Kannepeh litt un e Meddaachsschlööfje hält un, noch vell nühdije, de Tant Kathrinche noch en de Köch am zortiere ess.

En enem läddije Prömtabaksdösje vom Jroßvatte hann ich dat haleve Löffelche Honnich dren.

Ich jonn op Ziehespetze bei de Onkel Will, der e beßje am schnarache ess, maachen dat Dösje op, jonn mem Zeejefenge dren un fan-

jävve met däm Jips!”

Wat? Dat jlöövd e net? Wöör all jeloore? Ode jedröömp? Un ich däht spinne?

Dann bloost üch doch jet! Hüüren ich eben op ze vezälle!

Dobei hann ich me su de Kopp zebroche, füür et üch schön ze vezälle!

Jetz seht, wie eret jewahr werd't! Mich brudd e net mieh ze froore!

Un de Kripp donn ich üch och net zeeje. Wenn se ferdich wierd.

Bloß: Wo nämmen ich der Jips her?

Dat Tüttche moß dohdrenn

Wilhelm Neußer

Dä Karli, achunsächsich un zegg vier Jahr en Rente, föhlt sich noch joot, hätt noch jar keen Loss, hengerem Ovve ze setze, och net, halef Daach Kaate ze spelle ode Bankböschbeamte ze maache.

Weile Huus un Jaade hätt, jitt et jenooch ze pussele, un ess e Jeköchs Eerpel ze schälle ode en dräckelije Tass ze spööle, dofür esse sich och net ze schaad.

Un wenn seng Trien en net ze öff ahnspanne deht, hilefe och att ess söss jeern en de Köch.

An de Schötzelbengele hätt sich et Trien att lang Jummischlöppeche jemaht. Die fein Schleefe krääch et doch alle Orenblecks opjetrocke, ode, wenn et ess em lefe beim Koche jar net op hatt jepaß, hatt de Karli em die Bengele esu veknöddelt, dat et kohm uss em Schötzel woß ze komme.

Och andere doll Töön hatt de Karli zebasch alle Daach drop. Dovan konnt de Nohpeschaff net bloß e Leedche, nä, janze Choräl senge. Et leevs dähte eenem, och sengem Trien, et Woord en de Muhl erömdrähe, ävve emme esu, dat de em net falsch konnts senn.

Un et alldeleevs nohme eene beim Woord, wereklich "beim Woord". Doh hatte e Uhr vüür, esu flöck, dat de mierschde Löck et noch jar net jemerek hatten, dat se dem Karle wedde Ursaach hatten jejoyvve, sich löstich ze maache.

Zohjejoyvve werde moß joh, dat me all, ejal, ov en Platt ode en Hochdeutsch, uss öff esu unjenau, unbedaach, flasterich ussdröcke, weil me jewännt senn, droplosszerädde ohne genau ze övvelääje, wat me saare wolle, dat et kee Wonde ess, dat et heh un doh Keerls jitt wie de Karli, die sich doh ene Spaß druss maache.

Su ess et Trien am paratstelle fүүr Pudding ze koche. Et hätt e halef



Lite Mellech em Kessel op de Plaat stonn, op zwei, e paar Krömmelche Salz drenn, ene jehöfde Löffel Zukke, de Rührbäsem, en Tass met drei Löffele Mellech fүүr et Puddingpolleve drenn ze rühre, de Jlaase Komp fүүr de feerdije Pudding op enem fööchde Dooch stonn, un well jrad et Tüttche met Puddingpolleve oprieße, doh jeht et Tellefon.

"Dat ess et Weech!", schreit et Trien, "Ich moß jäng ess eröveloofe! - Heh, Karli, ess alles parat! - Wenn de Mellech koch, die Plaat kleenstelle, dat Tüttche doh erenn, opkoche losse un en de Komp schödde!"

Fott ess et.

Net vell länge wie en vierdel Stonnt, kütt et Trien wedde öm. Et

Puddingpolleve ess en de Tass, de Mellech en de Komp. Mem Tüttche drenn.

Et Trien stämmp de Füüß en de Höfde, quätsch de Leppe un schänk esu laut, wie et leis jeht, op die vedammpte Mannskeerls.

Ävve de Karli däht dat suwiesu net hüüre. Der ess jar net doh. Der kütt noh zehn Menutte mem Radd en de Hoff jeschörrech, jlich drop met enem Packättche uss dem Schopp eren un säht janz schenghellich: "Denge Tüttchespudding maach ich net! - Ich hann jet les jehollt!"

Dä Pudding hann se oovens jejässe. "Hätt doch kenne Zwäck, sich met dä Mannskeerls an et tispetiere ze jävve. - Weeß de leeve Herrjott, wofүүr datte die esu doll hätt jemaht!"

Et triff emme de Vekiehrte Adele Müller

De Will un et Annche hatten sich e Hüsje jebaut. Et woor noch net janze feerdich, ävve se konnten att drenn wonne.

Da Will woor ärrech fließich, jink Daach fүүr Daach floh de Polleve, maht, esu öff wiere konnt, Övvestonde un braht jood Jeld met heem. Ävve et dächt noch männech Märkelche fähle fүүr alles en Ordnung ze bränge. Neu Möbelemang sollt och noch ahnjeschaff werde. Doh mohten de Pänninge jood ennjedeelt werde.

Su kohm et däm Ann jrad rääch, wie eenes Daachs enen Häär kohm un dä Vүүrschlaach dächt maache, en ihrem Huus en Vekoofsstell fүүr Jetränke ennerichte. Hä broht net vell ze rädde, et Ann woor terräck ennvestande. Em Jeis huurt et att de Monete klimpere.

Enn de Karraasch konnt me dat ganze Zeuch ongebränge. Doh woor suwiesu nix drenn. An ene Auto woor noch net ze denke dofүүr wooren kenn Nüssele doh. Flöck dächt et sich erömspreche, dat me beim Ann Bier, Zitsch un Wasse konnt koofe. Nä, kee Krahnwasse. Mineralwasse dächt dat heesche. Dat Jeschäff leht sich jood ahn. Wegg em Ömkrees joof et kenne Laade, un an ene Supemaat daach noch kee Mensch.

Ävve jetz jink dä Brassel loss. de Löck wollten emme mieh hann. Dä Mannslöck jink et öm Zerätte, un de Pänz wollten Kamelle un Schockelaad koofe.

Alsu joof de Will sich an et Schrengere un maht fүүr en de Karraasch e paar Stellaasche, domet dat et Ann doh seng Waar präsentiere konnt.

Denn janzen Daach hatt et ze donn, leef de Trepp erav un erop, erus un erenn. Noch net ens an Sonn- un Fierdaach kräht et Rauh.

Op eemohl dächt et feststelle, dat dat

Kamelledöppe esu flöck läddich wuurt. Och de Schockelaad hatt avienomme. Et woß genau, dat et esu vell net vekoof hatt. Doh kohm em dä Ennfall, die Schockelaad usszeweerbele jäjen en Tafel „Darmol“. Et daach, esu wöör däm Spetzboov velleech op de Schlich ze komme un em dat Kläue ussze-drieve.

Ävve et konnt oppasse wie enen Luchs: Et woor wie vehex, dat Züch stonnt op senge Plaaz, un kenne dächt sich drahn vejriefe.

Nu kohm ene naaße, kahle Winte, un et Ann dächt sich düchtich vekälde. Et wuurd esu schlemm, dat de Will et en et Spidohl moht bränge. Hä maht sich vell Jedanke un hatt Angs öm seng Frau.

Wie et schlemmste övvestande woor un et em wedde besse jink, dächte



imm veklickere, dat met däm Jelöofs Schluß söhl senn. Dat Jesöffs könnt de Brauerei sich gvholle komme, de Zerrätte wöhle op de Fabrick noch vekloppe, un et Tienche, wat däm Ann seng Schweste woor, könnt die Söbichkeit fүүr seng drei Pänz hann. Wat dä Will doh jeplahnt hatt, woor dem Ann jar net rääch ävve wat wohl et maache, wenn de Will

esu enerjich wuurt? Doh dorref et net weddespreche. Et Tienche kohm dä janze Krohm holle, un die Weechte feelen drövve her. Et mierschde Jezänks joof et öm die Schockelaad, jede wohl et jrүүzde Stöck hann. Et Tienche maht däm Stregg flöck e Äng un dächt alles jerääch vedeele.

Ävve et meddaachs dächten se all em Jeköchs erömpecke, met enem lange Jeseesch, un keene mooch jet, kenne hatt Honge.

Op eemohl sprong dat Liesje, wie von de Tarantel jestoche, op un leef nohm Klo. Et kohm jar net bess drop, doh hatt et att de Botz voll.

Jlich drop leef och et Bärbelche loss, un dat krääch och de Kiehr net flöck jenooch. Dö Kleenste boch en sengem Heiabette un heel seng Meddaachsschlööfje. Op eemohl huurt mer enn kriesche.

De Mama jink luure un schlooch de Häng övverem Kopp zesamme: dä Quass hatt et ganze Bett volljemaht. Nä, wat woor dat ene Ärje! De janzen Daach heelten sich die Weechte am Loofe. Et Ann hatt Häng ze wennich fүүr se reen ze haale. Ne jruuße Pöngel Wäsch hatten se volljemaht. Am andere Daach jink et seng Schweste em Spidohl besöhke un vezohl däm, wat et fүүr en Arbeed hatt jehatt. Un et konnt och jar net vestonn, wiesu die Pänz esu de Pittemaachflöck hatten jekrääch. Imm selevs woor nix jeweeers.

Et Annche huurt sich dat alles ahn, un op eemohl feel im die Tafel Darmol enn. Nä, die ärm Köngde! Dat deht me doch ärrech leed!“ säht et fүүr et Tienche. „Su bahl, wie ich heemkomme, maachen ich dat dir un dä Weechte wedde jood!~ dächt et huh un hellich vespreche.

Doh süht mer ens wedde: die Unschöldije senn mierschdens de Domme.

Op de Naas erömdanze Wilhelm Neußer

Wo hatt ich als kleene Quass att all Löck eröm danze jesehn!

Em Hohns Saal, der op Stippe jebaut woor un enn dän me bloß övve zwei Treppe op ene Plafong un dann enn de Poorz erennkohm, jink ich, mierschdens met Nohpeschs Pänz, luure, wenn doh Maiball vom Hohns Jelooch ode Kermesball woor.

Övve die Fupperei konnt ich mich zebasch ammesiere, och, wenn et me att ens e beßje unheemlich wuurd, weil dä janze Saal esu waggele däht.

Am Daach noh su enem Ball kohm et vüür, dat noch net opjerühmp woor un de Poorz vom Saal noch opstonnt. Wenn kenne uss sooch, flutschden me de Trepp erop un fupdden att ens jet op dä Bühn eröm wie me meenten, dat wöör jedanz. –

Eemohl hatt ich och ens de Papa dorech de Köch danze jesehn, wie e sich janz miserabel op de Domme hatt jehaue.

Dat de Hexe om Blocksberrech dähten danze, hatt me de Oma e paarmohl vezallt, och, dat de Jüdde öm et jöide Kallef hatten jedanz, wie de Moses noch om Berrech woor.

“Ze Rejensborrech op de Kerrechtuurnspetz”, wo nöngmohl nöngunnöngsich Schniedere jedanz hatten, konnt ich att senge.

Un de Mama hatt ens fүүr de Papa jesaht: “Häss de jesehn, wat dä Fränz wedde fүүr ene Eiedanz öm dat Lehn jemaht hätt?” Un dobei hatte jar kenn Eie bei sich jehatt.

De Möcke hatt ich att öff danze jesehn, janz ohne Musik.

Ov Musik dobei ess jeweers, wie et Liss e Dänzje mem Heinche op hatt jeführt, weeß ich net.

Ohne Musik leht och de Ohm Will de Tasse om Desch danze, wenne beim Kaate ene Tromp op de Plaat däht schlaare.

Janz opräjäend woor et och, wenn



de haleve Juni em Düüstere em Bösch de Jühwörremche dorech de Hecke un Strüch dähten danze. Ich heelt mich alsu att bahl fүүr ene Fachmann em Danze, bess sich eenes Daachs de Mama un en etliche Fraulöck bei enem Kaffeeklatsch ongehaalen dähten un et hin un her heesch: “Ess joh wereklich en Schand, wie die Pänz däm Matthes op de Naas eröm danze!”

Nu hatt ich ävve net metkrääch, wo wat fүүr en Pänz welechem Matthes op de Naas eröm sollten danze.

Die “Jruuße”, zwöllef- bes vierzehnjöhrige, ze froore, woor ich ze bang. Ich woß, dat et dann wedde heeschen däht: “Stech deng Naas en kleen Kindesaache! – Un maach datte fottküss, söss kriss de ene Trett!”

Un die janz Jruuße, Ahle? – Doh kriss de doch de Lääbe nix eruss! Su jink ich alsu et iersch ens all Matthesse dorech, die ich kannt: de Jungbloths Matthes, ne ahle Jungjesell, bahl achzich: nix fүүr ze danze.

De Kleins Matthes? Dä Krep-

penbesse? Met däm well doch kenne jet ze donn hann. De Frööbels Matthes? – Wie heesch der övvehaup richtich? Su enne Knössel. Danze?

Dat wöör att iehr jet fүүr de Böttemanns Matthes. Der ess noch ene zammelich jonge, ahnsehnliche Keerl. Un der flööt och öfte henge de Fraulöck her. Un hätt en Schrengelei, met drei Jeselle un zwei Liehrjunge. Der könnt et mem Danze hann.

Ävve wiesu kann ode söhl bei däm eene ausjerechent op de Naas eröm danze?

Jeht dat övvehaup? Un löht der Matthes sich dat jefalle?

Wie ich enn e paar Daach spääde beim Beckeschs Jraaf em Laade sehn, wo e sich “zehn zoh fuffzich” – stellt üch dat ens vүүr: zehn Zijaare, et Stöck fүүr fönnef Jrosche, deht der op eemohl, fүүr fönnef Marek – , mieh, wie ich en drei Jahr an Kermesjeld hann - , koofe däht, doh beluuren ich me dän esu genau, ronderöm, et Jeseech un de Naas: Doh ess kenn Plaaz fүүr ze danze.

Wie e frooch: “Wat beluursch de mich?”, frooren ich: “Onkel, kamme op denge Naas danze?”

Hä ess jar net menge Onkel un säht janz kott: “Wat ess? Spinnst du? Ode wells de mich fүүr de Sau haale?”

Doh maachen ich leeve, dat ich am Laden eraus komme.

Noch drei Matthesse fengen ich ze Droosdoref, op de Bahnhoff ahn; zwei ze Sieborrech, eene ze Bonn, net wegg vom Bröckemännche. Met kennem kann ich jet ahnfange.

lersch vell spääde liehren ich de Töllemeieschs Matthes kenne. Däm seng Frau hätt de Botz ahn, senge Quass, sebbezehn, zeech em ene Vuhel, wenne dem Vatte jet helefe soll; seng Doochte, et Mei, hätt em esu jar ene Botzlappe, ene klätschnaaße, an de Kopp je-schmesse, un de Matthes stonnt doh un leht de Flühele hange.

Ävve seng Naas woor net ruut un net platt, net zekratz un net enn-un net scheefjedröck.

Könnst et senn, dat ich dat met däm “Op-de-Naas-eröm-danze” janz

falsch vestande hann?

Un Löck, statt op de Fööß op de Naas donn danze, wie me och om Kopp kann stonn?

Moß ich doch ens op enn Disco jonn? Diss Daach hann ich em Fernsehene ens esu jet ähnliches jesehn. Doh hätt ich mich net

jewondet, wenn seret feerdich hättent jebraht, och op de Naas ze danze, su schmessen se met Ärrem un Been, met Buch un Hengesch un wat net all eröm. Ävve ich trauen mich net dohin. Ich hann Angs, die wöhlen am Äng mir op de Naas eröm danze.

Korrev ophänge Wilhelm Neußer

Süh ens, wat de Sonn schön schenk! “Mann, ich schmießen flöck ene Korrv Wäsch en de Maschin! Stell me att de Spenn op de Wiss op!”


Wie de Maschin ferdich ess met wäsche, nimmst meng Frau die Wäsch eruss enn ene Korrev un well domet eraus, se ophänge.

Enn däm Oorenbleck jeht et Tellefon.

Der steht em Flur. Met naaße Wäsch. Frech uss de Maschin.

Ich beluure me dä Korrev met dä Wäsch, draaren enn op de Wiss, an die Spenn.

Dann beluuren ich me dat Spell, schöddelen de Kopp un weeß net rääch, wat donn. – Doch! Dann weeß ich et!



Als stellt se dä Korrev op de Eerd enn de Köch, nimmst de Höre av un meldt sich.

Noh e paar Mennutte kütt se erausjefääch, ess sich ene Anorak am övveträcke, säht: “Ich moß flöck nohm Dreesje fahre. Dat hätt sich schweer vebrannt un et ess kenne bei em deheem!”, schnapp sich et Radd, fääch am Hoff eruss un schreit noch: “Du kannst att dä Korrev ophänge!”

Ich jonn erenn, holle me de Klammeböggel, donn die Wäsch fein zortiere: op eene Stohl de Ongebotze un -hemde, op de zwätte Handdööche, Köchendööche un Rotzfahne, op de drette zwei Baadedööche, e paar Lompe, zwei Spööldööche, op de vierte zwei Bettööche, zwei Kessebezöch, drei Deschdecke un ene BH. Bliht eene wieße Sock överich. Weeß ich net, wohin. Hängen ich

bei de Ongebotze övve de Stohl-lehn. Su!

Wie ich me vier Klammere uss däm Böggel kroose, fällt mer e een dreimohl op de Eerd. Johzeggs hann ich se ävve doch op de Leng jeklämp.

Ävve: läck mich em Jaade! Hatt ühr att ens ene Korrev, uss Kunsstoff, op en Ling jehange? Met Klammere? – Dat ess de vellech ene Fröößel!

Övve de Kant packen die Klammere net, von dä Stäbche an de Segg rötschen se emme wedde av.

Seche fönnefmohl fällt me dä Korrev wedde erav.

Ich moß me iersvch ene Hooke holle, wie ich enn de Herrevs bruche füür ene Emme an ene Bohm ze hange füür Äppel ze plöcke.

Ävve wenn ich jet well, well ich et! Dä Korrev kütt an die Ling ze hange!


Wie noh ene jood hellev Stonnd me Märiännche weddekütt, me vom Dreesje sengem Mallör hätt vezallt un johzeggs fröoch: "Wo ess die Wäsch?", saaren ich : "Dä Korrev hänk op de Ling!" Ess joh och wohr. Un de Sonn laach.

Kuurt vüür Mettaach jeht me Häzzestömpche eruss op de Wiss un well att erenholle, wat drüch könnt senn, schlecht de Häng övverem Kopp zesamme un säht: "Nä, nä! – Wann wiersch du ens jescheet?"

Jetzt benn ich beleidich! Emme dooch alles net, wat ich maache. Un hann me esu vell Möh jejovve!

De Hoor vom Kopp fresse

Wilhelm Neußer



Du meine Jüüte! – Wat kann dä Johannes esse!

Mir zwei donn em Hoff öff Hockey spelle. Weil de Johannes genau dobbelt esu alt ess wie ich, nämlich elef, kriejen ich dä richtije Hockeyschlääje, dä bloß janz wennich veketsch ess – ävve länge wie ich seleve –, un hä selevs nimmp ene ahle Bööcheknävvell, dän me och att om les vom Barongs Weihe hann jebbruch.

Ene Tennisball, ene janze ahle, ävve noch met all Luff drenn, knal-

le me, esu öff wie et jeht, met alle Jewalt jäjen de Huuswand. Die hät att hondetdausend schwazze ronde Flecke.

Wie ich drei zoh eins en Führung jonn, – jajoh, op ee Tor – , säht de Johannes: "Ich hann Honge! Ich moß jet esse jonn!"

Em Huus beim Johannes ess kern ne. De Oma ess bei de Tant Jretche, de Ohm Jerred, dem Johannes senge Papa, op de Fabrik de Tant Drautche noh de Jass un et Maria, seng Schweste, deht

jäjenöbbe beim Lutze Anneliese
Pöppche spille.

Schaad nix. De Bruudschaaf ess
joh op. Un e Jraubruut drenn, an
däm bloß ee Knäppche fählt.

De Johannes nimmp et Bruutmätz
un säbelt en Schnett av, zwei
Fenge deck. Dohzoh hollte et
Döppe met Rööpekröckche, vom
Engelse Pette, zopp ene Löffel
drenn, weckelt beim Erussträcke
esu vell Kröckche drop, wie e haale
kann, un hält dä Löffel öbbe seng
wegg opjeressene Muhl. Ene
jehüürige Klatsch Krock fällt em
drenn, beim Wedde-Opwecke
löf em etliches op et Kinn un op
de Botz. Un fүүr dä Rämmel Bruut
bliest och noch jenooch övverich.
Met drei, vier Besse hätte dat Bruut
veschlange, säbelt de nähksde
Schnett av, söhk noh Botte, fenk
ävve bloß Majrien, klatsch die drop
un deht dat Spellche met däm Löffel
Krock noch eemohl maache.

Wie e de letztde Schnett vom Bruut
avhätt un bloß noch et Ängknäppche
övverich ess, sähte, zweschem
Käue: "Eijentlich senn ich satt. –
Ävve wenn ich dat Knäppche
övverich losse, un et widd jlich
jefrooch: "Wo ess dann dat Jraubruut?",
kann ich joh net jood saare:
"Wat fүүr e Bruut?" "

Alsu däute dat Knäppche och noch
erenn.

Ich? – Nä, ich esse nix von däm
Bruut. Ich donn me de Honge fүүr
hück Oovend vewahre. Doh jitt et
bei uns Quällmännche met
Herringsstipp. Hätt de Mama selevs
jemaht. Schmäck wie ze Kölle. Los-
sen ich Rööpekrock, wat ich söns
jeern esse, et leevs op Rievkooche,
fүүr stonn.

Jenau, wie me bei dä Herring am
Desch setze, deht de Papa vezälle
von sengem Liehrjong om Börroh
un säht: "Fließich un ahnstellich ess
dä Häns joh. Ävve wat dä fresse
kann! - Dä hatt zom Fröhstöck vier
doppelte Botteramme bei sich un
hätt die en dä vierdel Stond Paus
vekimmelt. Un mettaachs, hätte
vezällt, hätte vier Tellere
Bottermellechsbonnezupp läddich
jemaht. – Der friß sengem Vaade
noch de Hoor vom Kopp!"

De Hoor vom Kopp? Dä Häns?
Sengem Vaade?

Un dann sehen ich, vүүr mengem
jeistijen Aure – haat ich duh att,
wenn ich et och noch net woß, - de
Ohm Jerred. Dem Johannes sen-
ge Papa. Met senge Pläät, esu
blänklich wie de Vollmoond!

Ov dä Johannes däm och? –
Bäääh! – Kamme dat dann?

De nähksde Woch passen ich
övveall op Keerls op, die en Pläät
hann, en haleve ode en janze.

De Sülze Opa hätt een. De schön-
ste vom janz Droosdoref, vell schön-
ne wie dem Onkel Jerred de seng.
Ov de Onkel Aujuss, de Mama ihre
Broode, och esu friß? Ävve dä hätt
doch att selevs en Pläät. Un däm
seng Angnes ess joh net jrad
maare, ävve fresse hann ich et och
noch net jesehn. Dat deht leeve
schluche.

Joh, un de Kürte Onkel Will hätt en
schöön Pläät, ävve drei Jonge un
zwei Weechte. Senn die dann all
dovon satt jewuurde? – Ävve doch
net bloß von Hoor? – Nä, doh hann
ich esu öf och att jejässe. Doh ess
me nix opjefalle.

Dann setz, e paar Daach späade,
de Onkel Jakob, menge Pättche,
bei de Oma em Hoff op enem
Bänkelche. Ich setze mich nävven
enn un froore: "Onkel Jakob, hatt
der Johannes dem Onkel Jerred de
Haar vom Kopp jefressen?"

Der Onkel Jakob ess ene Jrieläche
un deht jeern de Löck ene Bäär
opbenge – wat ich ävve noch net
weeß – un hätt terräck kapiert, datte
senge Spaß hann kann. Hä säht:
"Paß op: Du häss doch att jehüürt,
dat me säht: Doh ess e Hoor en de
Botte, ne? – Su moß me övveall
emme att ens e Hoor en et Esse
donn, dat de Löck satt werde, wenn
et söss net lank. Wenn dat ävve ze
öf moß senn, wenn Pänz jar ze
vefresse senn, dann waaßen de
Hoor johzeggs net mieh flöck
jenoch ode jar net mieh noh, un dä
Papa kritt en Pläät. – Ävve du bes
joh brav, du dehs dat net, esu vell
esse, dat dengem Papa de Hoor
net mieh noh donn waaße, ne?" –
Met däm Johannes noch spille?
Nä, donn ich net mieh! Wo der

sengem Papa de Hoor vom Kopp
hätt jefresse! E halef Johr net.

Dann hätt de Oma dat jemerek,
nimmp mich op Segge, op ihre
Schuuß, setz sich de Brell vürren
op de Naas un säht: "Ich jlööven,
ich moß de ene fuhle Zannt träcke.
Dä met dä Hoor vom Kopp fresse."
Deht se.

Nä, wat können die Jruuße leeje! –
Un de Onkel Jakob widd e paar
Johr späade Papa von enem
Pastuur! – Dat heesch, nä, Papa
esse att lang, ävve senge Sonn
widd Kaplönche.

Ich hann de Onkel Jakob ävve och
dobeikrääch. Bäh!

Wie ich ze Kommelijohn jink, dähte
mich froore, ov ich me en
Arembanduhr von em wönsche
däht. Ich hann joh jesaht. Eijentlich
wohl ich joh vell leeve en Monnika
hann. Esse drop ernnjefalle!

En Monnika hann ich me Lääbe net
krääch. Woor att jood fүүr de
Mama. Die hatt et an de Uhre. Die
hatt me att de Trommel fottjedonn,
vestoche.

Dem Draut sing Mellech Wilhelm Neußer

Wie emme kütt de Berrechstrooße Oma des Morjens noh uss un deht met de Mama jet klaafe un, dat et besse uussüht, de Eerpel schälle. "Nä", säht se, "dat ess der e Elend en dä Hetz! Bahl alle Daach widd me de Mellech suur, kohm, dat ich se em Huus hann! - Un de Kürtens hann doch esu ene köhle Mellech-kelle. Met les drenn. Vom Brudes-seschs Jüpp."

Uss däm sengem lesfabrickelche. Köhlschränk, jar elektrische, hätt doch noch kohm ee Mensch.

"Joh", säht de Mama, "dat ess me bes vüür vierzehn Daach och esu jejange. Jetz hollen ich me een övve de anderen Daach e Lite Mellech vom Hoff's Draut. Die hält sich bes de andere Mettaach."

Weil ich ongerem Desch hutsche, en menge Borrech, övverem Rhing, un op ene Raubritte waade, der se dann von mir met mengem hölze Schwert schwer jetupp kritt, hann ich met ahnjehüürt, wat die zwei sich vezälle. Jeh me ävve an eenem Uhr erenn un am andere wedde eruss.

Moß ävve doch jet hänge senn jeblevve.

Kenne Raubritte kütt, de Wollef vom Telejraf och net, net ess dem Dur senge Jaachhonk fänk ahn ze belle. Dat fuhle Oos litt bestimmp wedde em köhle Jras hengerem Hohn-deschs un schnapp Fleeje.

Alsu klemmen ich erav en die Niederungen von däm ärme Volek un saaren vüür de Mama: "Ich hann Duesch!" "Dann jank en de Kelle un holl et Mellechdöppe erop. Doh kanns de en Tass voll von hann. Un von dä andere kochen ich Pudding." "Aujoh!", saaren ich, "Ävve Fanill- pudding met Himbeersaff!"

Jlich drop schödden ich en janze Tass Mellech, schön, köhle Mel-lech, hengenerenn. Su dat de Mama säht: "Donn doch net esu jählich! Et nimmp se de joh kenne fott!"

Hach! Wat schmeck dat jood, su en Tass kahle Mellech! - Ode doch net?



- Woor doh net e beßje ene komische Jeschmack met drenn? Su e beßje noh Rööpekrock, ode Kandis, ode Fanill?

Nu joh: em Liev hann ich se, un drussen rööf de Johannes füür Hokkey ze spelle.

Et Nommetaachs fröoch de Mama: "Jehs de met noh de Kuttjass?" - "Nohm Onkel Jakob?" - Mengem Pättche.

"Näh, nohm Jertrud" - dem Onkel Jakob senge Doochte un menge Cousien - "däm hann ich doch e Strampelhösje jekooft" - Quatsch, net däm Jertrud; dat hätt doch e Kind jekrääch, dä Heinzje - "dat well ich däm bränge."

Jood. Jonn ich met.

Wie me dat Strampelhösje däm Jertrud hann jejavve, ich von de Tant

Marie en Kamell - een janze! - hann krääch, un dohfüür och noch dank moß saare, fänk dä Heinzje ahn ze blätsche.

Et Jertrud luurt op de Köcheuhr, säht: "Aha! Ess Zegg füür dä ahnzelaäje!" Me jonn nävvenahn e et Schloofzemme, wo dä Heinzje e sengem Körvje de Oore vedräht un krebruuert ess füür Quaatsche. E Jertrud föhlt un säht: "Klättsch-naa esse och att wedde!"

Et lääch en op en Kommood, triick em dat naaße Zeuch uss, wecke enn en en drühe Windel, nimmp er op de Ärrerem, setz sich op ene Stohknöpp et Lievje op, un wie et d Heinzje an de Bross lääch un d terräck noh däm Nüggelch schnapp, hüürte op ze bläättsche un lötsch un lötsch.

Dat ess et ierschdemohl, dat ich da

sehe, dat ich et weefß.
Ich luure met jruuße Oore un froore:
"Wat lutsch dä doh?"

"Domme Jong", säht de Mama,
"Mellech!"

"Aha! - Joh? - Doh? Uss däm Jertrud
sengem Nüggel? - Ess ävve prak-
tisch!"

Am Oovend kriejen ich wedde en
Tass Mellech. Wie ich de ierschde
Schluck en de Muhl hann, merken
ich wedde dä komische Jeschmack
noh - Rööpekrock?

"Mama", frooren ich, "wat ess dat
vürren Mellech?"

"Wie? Wat ess dat füür en Mellech?
- Dem Hoffs Draut seng Mellech!"

Ich schlucke, schlucke noch ens.
Stuuße die Tass fott un saare: "Bäh!
Die maach ich net!"

"Wie? Die maach ich net? - Wat soll
dat dann? Ess doch jood, fresche
Mellech! Drinks de doch söss emme
litewies!"

"Nä, Mama! Däm Draut seng
Mellech maach ich net!"

De Mama luurt jruuß, iersch kott, de
Stiern kruus. Dann kipp se de Kopp
e beßje zeröck, stipp de Füüß en de
Segg, en Laachfahl hiev ihr Backe,
et schöddelt se e beßje, dann emme
mieh, em Buch, dann platz se laut
eruss un laach un laach ein kritt sich
net mieh enn, un laach noch, wie de
Papa uss dem Jaade erennkütt un
zweimohl froore moß: "Wat laachs
de esu?", iehr dat de Mama, met
dreimohl Ongebredde, erausbränk:
"Dä Willy ... well kenn Mellech drinke
...vom Hoffs Draut!" Un laach un
laach.

En drei Sekunde hätt de Papa ka-
piert, wat loss ess, laach sich och
zebasch un säht johzeggs füür mich:
"Dat ess doch jar kenn Mellech vom
Draut! - Dat steht doch drüch! - Dat
ess doch Mellech von dänne ihre
Köh!"

Un iersch, wie de Papa mich en et
Bett bränk, un ich enn tribbeliere, wat
dat heesch, "et Draut steht drüch",
kriejen ich et explezierzt un senn
zefredde un schloofen jood.

Ävve Mellech vom Hoffs Draut däht
ich bess höckzedaach net drinke.
Ess joh och att lang duud. Dat Draut.

Net all Tasse em Schrank

Wilhelm Neußer

De Pollezei hätt mich avjehollt un
heemjebraht.

Ich benn noch am zeddere. De
Mama noch mieh. Ens neujerich,
wat de Papa saare widd, wenn der
von de Fabrik kütt.

Am mierschde falsch ess de Hoffs
Hännes. Der moht mich heem-
bränge, en Uneforem. Der hatt jrad
Deens jehatt un schannt, alles,
watte woß. Woore doch schrääch
jäjenövve deht wonne un övve
dreiunehalef Ecke noch met uss
vewandt ess. Die Plamaasch!

"Du söhls em ens jehüürich ene
Ballech Wachs jävve! - Un dengem
Schäng werden ich och ess e paar
passende Woort saare, datte seng
doll Töön jetz och att sengem
Quass bei deht bränge!", spekta-
kelte.

Wie re endlich sich op et Rad däht
setze un wedde noh de Wach fuhr,
wollt de Mama wesse: "Wat woor
dann eijentlich loss? Ich benn net
janz schlau drusse wuorde, wat dä
Hännes wohl un woröm e dich
ahnjeschleef braht."

Ich säht: "Dat wohl ich doch wesse,
ov dat stimmpt, dat de Dachdecke
Bengelmanns net all Tasse em
Schränk hann!"

Se schöddelt de Kopp, der richtich
ruud wuurd. Ov füür Ärje, Velä-
jenheet ode Angs, weefß ich net.

Wat dohengestooch? Alsu: de
Woch zevüür hatt et e saumäbich
Jewidde met Storrem un Haarel
jejovve. De Jäärden soochen
donoh uss wie zeharrek, de Weefß
looch platt, et loochen mieh Blädde
op de Erd wie noch an de Böhm
wooren, et hatt en e paar Hüüse
em Dörrep ennjeschlaare, Jottsei
Dank met kahle Schlääch, un wer
weefß wie vell Panne wooren
erömjefloore. Bei uss och. An sechs
Stelle trötsch et dorech et Daach,
un me hatten e Büddche, zwei
Emmere, en läddije Herringsdoos,
breet wie ene Emme, wenn och

bloß halef esu huh, en Addels-
schäpp ohne Stell un de Bohle-
komp om Speiche onge de Löche
jestellt.

Un dann woor de Papa am seleve
Oovend noch nohm Bengelmann
jeloofe, dänne jood kannnt vom
Hüüsje baue, un hatt dän bestallt,
die Löche wedde zohzesorje.

Drei Daach hatt et ävve jeduurt,
besse jekomme woor. Hä konnt joh
net an alle Hüüse ze jliche Zegg
senn.

Nu woor samsdaachs mettaachs et
Daach wedde zoh. Un et
mondaachs att looch de Rech-
nung onge de Düür.

Wie de Mama die op hatt jeresse,
schlooch se met de flache Hand op
de Desch, dat de Katz füür Schreck
vom Stohl, wo se om Kesse hatt
jeläaje, op de Schaaf sprong un
meng Blechtass — hatt me de
Jroßvatte op de Namensdaach
jeschenk, woor ene Sebbezwer-
rech drop — eravschibbelt.

"Mann!", schreit se, "Nu beluur de
dat! Dä Bengelmann well füür dat
bessje Panne neu läaje achzich
Marek hann!" — nöngsehnhon-
derteenundressich! — "Der hätt
doch net all Tasse em Schränk!"

Jenau dat wohl ich wesse.

Ich woor nämlich bei dänne em Hoff
jeweers, — wat hatten die fein, lang
Ledere! —, em Huus — doh wooren
noch vell feinere Saache, Teppiche,
en jöldije Standuhr, wo emme zwei
Bömmele hin- un herleefen, en
janze feine jehäkelte Deschdeck,
bahl bes op de Erd, un et roch esu
fein dohdrenn, wie bei Barongs.

Ich woß alsu och, wo die Köch woor
mem Schaaf met Posteling, un: noh
zwei Daach sooch ich zohfällich,
wie de Madam nohm Dörrep jink un
nohm Frisör eren. Alsu woor söss
kenne em Huus. Die Mannskeerls,
hä un drei Jeselle un zwei Stifte,
wooren op de Baustelle, die zwei
Weechte von Bengelmanns woo-

ren att jruuß un wonnten net mieh deheem.

Op de Strooß sooch ich kee Mensch. De Poorz en de Hoff woor net avjeschlosse. Un de Schlössel von de Hoffdüür hing an enem Näjelche ongerem Abe-Fensteche. Dat woß ich von fröhte.

Et duurt kenn zwei Menutte, doh woor ich en de Köch. E schlääch Jewesse hatt ich net dobei. Ich wohl joh nix fottnämme, nix kapottmaache un nix zeweerschmaache. Bloß luure. Un dat woor em Ovvedörrep nix Besondeschs, dat me sich su zummelich en de ganze Nohpeschaff usskannt. Un de mierschde Dörre wooren net avjeschlosse ode me woß, wo de Schlössel hink.

Alsu jink ich bei Bengelmans all Jefaache em Köcheschaff dorrech: die hatten mennestens dreimohl esu vell Tasse wie mir.

“Halt!”, feel me enn, “Me hann joh och noch Tasse vom joode Zerwie em Büffee stonn! Hann de Bengelmans seche och!”

Alsu stevvelt ich en et joode Zemme – velleech hätten de Bengelmans “Salong” jesaht –, luurt en ene allmächtich jruuße Schaaf un fong Posteling, hüür, doh hätts de zwei Huhzegge met usstavviere könne! Un Tasse? Dressich, wenn net noch mieh. Jedenfalls meent ich, der könnten ere unmööchlich fähle.


“Halt!”, daach ich att wedde, “Könnt et senn, dat die noch andeschwo, em Schloofzemme, em Kelle, – joof et doh att Paatikellere? – Tasse hätten stonn?”

Ävve de Mama hatt joh ussdröcklich: “Die hann net all Tassen em Schrank” jesaht”.

Dat konnt alsu net stimme, wat de Mama doh jesaht hatt.

Jrad wohl ich de letzte Schrankdüür wedde zohmaache, doh jeht de Zemmedüür op, de Pollezei Mölle kütt erennzefleeje, schnapp mich beim Weckel un säht: “Na, Püürchje! Doh hamme dich!”

Hä daut mich an enn bläcke Wand, däht mich leibesfisiere, wat net vell Möh maht, weil ich joh bloß e kuurt Bötze un e Sommehämpche ahn-



hatt. Wie e nix fong, uuße enem Täschendooch met kennem Bonnes drenn – ich jlöof, dat kohm em komisch vüür –, sähte: “Du Donnerkeil! Wat söhks du heh en däm främme Huus?”

E beßje woor et me unheimlich, ävve ich säht troztdäm: “E främm Huus? – Heh woor ich doch att mennestens en halef dotzendmohl! Un ich wohl doch bloß kontelliere, ov dat stimmp, wat de Mama jesaht hätt, dat die Bengelmans net all Tassen em Schrank hann!”

Dähte e beßje jrinse? – Ich weeb et net genau. Jedenfalls sähte: “Ich nämmen dich met op de Wache. Doh werden me de schon de Wörrem uss de Naas träcke. Un dann küssde en et Kaschott!” – Ode hätte “Blech” jesaht?

Weil ich net woß, wat dat woor, frooch ich: “Jitt et doh jet ze drinke? Ich hann Duesch!”

“Freundche, werd me bloß ne frech!”, schannt de Mölle.

Wie e mich en de Wach erenn däre däue, stonnt doh och de Hoffe Hänes, reß de Oore op un säht füür de Mölle: “Wo häss de dä Panz dann opjelässe?”

Hä krääch et vezallt. Un noch mieh wat ich och noch net woß: dat ene Jesell von ene Baustell en de Werekstatt hatt fahre mösse jeholle, sich jewondet hatt, dat de Poorz e beßje un de Hoffdüür sperrangelwegg op hatten jestande datte em Huus noh hatt jeluurt un uss dem joode Zemme jehuurt hatt wie ich, ohne datte mich jeseht hatt, em Posteling am klimperen woor jeweers.

Kamme joh vestonn, datte jedaacht hatt: “Ennbrechere!”, op de Strooß woor jespronge un doh zohfällig de Mölle lans woor jekomme. Dat andere weßte.

E Prottekoll wuurd net jeschrevve. Sööl mich och wondere, ov de Mölle un de Hännese su jet övvehaup ferdich hätten jebraht. De Hännese levvet mich deheem av, de Mama kresch iersch jet, de Papa jrenk sich ere eene, ich hatt —

emme noch — e reen Jewesse. Dat ess, wat dat Tassezälle ahnjeht, bes höck esu jebilevve. Un Löck met net all Tasse em Schrank hann ich bloß eemohl en mengem Lävve jefonge. Die hatten

sich die öm de Köpp jeschmesse. Un de Tellere un de Kömp met. Esu jar et Ovvedeel vom Schaaf woor Brandholz. Die hatten dobbelt net all Tassen em Schrank.

Mem Höhnekläuche krieje Wilhelm Neußer

Eenes jooden Daachs kütt de Onkel Aujuss bei de Papa un frööch: “Saach, Schäng, häss de de Oovend ens en Stond Zegg? Ich möht jet met de övveläaje. — Du weeß doch, wat menge Nohpe fүүr ene Zeweerschde ess, un dat ich hengeneruss jeern ene Schopp met enem Hohndeschs mööch baue. Om Bauamp hann se me jesaht, dann mööht ävve et iersch de Nohpe joh saare un et ongeschrievve. Wie brängen ich dän dohzoh?” “Ess jood”, säht de Papa, “em haleve aach semme ferdich met Oovendesse, da kanns de komme.” Nu woor ich joh “ene kleene Kessel met jruuße Uhre”, die ich, wie de Mama, de Papa, de Oma un noch vell ande Löck sähten, et miersch dohhatt, wo se net hinjehүүre dächten. Un ich dächt vesöhke opzeschnappe alles, wat mööchlich woor, Saache, die ich vestonnt ode zesamme konnt reime, ävve och alles, wat ich noch net vestonnt ode vekiehrt zesamme dächt knöddele. Esu jar Saache, en die ich bes höck kee Leech krieje. Männehmohls moß ich dann — usnahmswies — e jeschheet Jeseech maache un esu donn, äs wenn ich jet vestande hätt. Dat emme öfte, zegg dat ich ahnjefange hann doof ze werde. Als: de Onkel Aujuss hatt jet om Häzze. Un em haleve aach wohle et dem Papa vezälle. Bloß: wie kriejen ich dat met? Em haleve aach moß ich doch en et Bett. Dat jink mich nix ahn, wat die

Jruuße ze bekalle hann? — Dat saaren die emme. Wenn ich dohdrop well waade, dat die Jruuße mich roofe, werden ich en alle lewichkeet nix jewahr. Ich daref dem Onkel Aujuss jrad noch Tach un Naach saare, dann jeht et ap en et Bett. Dat de Papa att de Kohrnflasch paratstellt, sehen ich noch. De Mama jitt me noch ene Klaps op de Fott, ävve beim Bädde hätt seret iehlieje wie söss, un zohdecke deht se mich och net. Stattdessen säht se: “Deck dich jood zoh!”, fott ess se. Stich der de Kohrn en de Naas ode hätt se och jruuße Uhre? E beßje könnt ich dat joh vestonn, weil de Onkel Aujuss ihre Broode ess. Mem Zohdecke hann ich et ävve jar net iehlich. Ich setzen sunar en Zegg em Bett, ohne Leech, vesteht sich, un speckeliere, off de Luff reen ess. Nä, eijentlich, off se jenooch voll Krach ess! De Schloofzemmedүүr en de Fluur opzemaache ess leech. Von doh de Köchendүүr opzemaache ess krittich, dat dörven se net mereke. Ävve op moß se, söss vestonn ich joh nix, wat se nävven de Köch em jooden Zemme vezälle. Doh setzen se. Kann ich uss dem Flur hүүre. Also janz, janz vүүrsichtich un langsam die Klink eravjedröck, dat se nu joh net quietsch, — e Dröppche Öl könnt se noch ens bruche —, un bloß en Ritz de Dүүr ahnjelähnt, dat lankme att. En vierdel Stonnd luusteren ich henge de Schloofzemmedүүr un

kriejen bahl jedes Woort met. Ess ävve net vell, wat ich behaale mööch von däm Vezäll öm dä zeweerschde Nohpe un dat Hohndeschs. Ävve eene Satz moß ich me mereke, dän de Papa dem Onkel Aujuss säht: “Dat hätt kenne Zweck, Aujuss. Dat moß de mem Höhnekläuche krieje!” Wie de Papa de drette Kohrn uss deht schödde, — woher ich dat weeß? Hүүrt, ich kann doch att bes zehn zälle! — un de Mama frööch: “Saach, Aujuss, wat mäht eijentlich de Möleschs Heinche?”, doh weeß ich, dat ich en et Bett kann jonn. Dä Klaaf well ich net wesse. De Köchendүүr lossen ich op, de Schloofzemmedүүr maachen ich leis zoh un senn flöck ennjeschloofe. Un de ande Morje fänk wedde ene lange Daach ahn, un et jitt esu vell ze donn, ze sehe un alles, dat ess all wichtije wie dat von jeste Oovend. Bloß dat Höhnekläuche jeht me net uss dem Kopp. Wat heesch dat? Vier Woche späade — kann och ene Moond senn jeweers —, semme en de Duuvejass, bei de Tant Jretche, op der ihrem Namensdaach, also de dröcksehnte Juli. Doh vezillt die, nohm Kaffe, dat se att drei Klotze hätt jesatz un dovon bes jetz drei Pöllche. Drei janze! Een Klotz ess noh zehn Daach opjestande. Die zweite hätt von zehn Küche drei duudjetrodde, von dä andere senn sechs Hahne un eent e Pöllche. De drette Klotz hätt zwöllef Küche un dovon saare un schreibe zehn Hahne! “Wat haalt e dovon?”, frööch se un säht: “Die Hahne foderen ich net

lang. Met aach, nöng Woche hommen se en de Pott!"

"Höhnekläuche!", jeht et me dorech de Kopp. – Moß ich ens e beßje oppasse!

Un richtich: noh zwei, drei Woche, wie ich ens bei de Tant Jretche speckeliere jonn – hengerem Schopp kamme jood dorech en mannsuhe Bööcheheck en de Jaade un bes an de Mestepool

behaalen ich; kamme velleech ens fүүr ze tuusche bruche - , lääjen ich de ande Daach beim Onkel Aujuss op de Köchendesch, wie de Tant Anna jrad em Jaade ess un de Onkel noch op de Fabrik.

Zwei Daach späade moß ich wedde dohin. Doh ess de Onkel Aujuss och deheem.

Kohm benn ich drenne, stehte op, setz de Brell op, jeht an et Fenste,

Schopp, dat möhte bei däm Nohp mem Höhnekläuche krieje. Ävve die hann doch kenn Höhne. – Woo dat esu schlemm, dat ich emm zwe Kläuche von Hähnche hann jebraht? – Ich hatt se doch extra ussprobiert!"

"Wat hatts de? Wat hann ich jesaht?"


Iersch, wie ich em dat e zweitemohl vezälle, fällt bei emm de Jrosche. Iersch laache sich zebasch, dann dehte me dat Spellche richtich vedeutsche.

Dat die Löck ävve och emme su ene komische Vezäll mösse haale!

De Onkel Aujuss?

Wie ich et nähksd Mohl dohinkohm, met jet Häzckloppe, jinke an de Köcheschaaf, reß die op un – joof me en Lutschkamell, en jruuße, kreetschejröone. De eenzieje, die ich von emm krääch hann.

Höhne- ode Hahnekläuche kann ich kenn mieh besoorje. Wenne alsu jet mem Höhnekläuche krieje wollt, mödde üch andeschswö ömsehn.



komme, liejen doh: sechs Hahnebeen, fresch jeschlaachde.

Zwei, nä, leeve drei nämmen ich ere met heem, donn se, iersch en de Sonn, dann em Backovve, ohne, dat de Mama jet merek, drüüje. Dann probieren ich: wenn ich an dä Sehne trække, donn sich die Ziehe bewääje. Noh jet Probiere kann ich sujar jet zesammejeknubbelt Papier domet ophävve un bes an de Jaade draare! Süht velleech komisch uss, wenn die Ziehe sich bewääje met ohne Hähnche drahn! Zwei von dä Höhnekläuche – eent

rieß dat op, höllt die zwei Höhnekläuche erenn, hält me die onge de Naas, un paaf! paaf!, kriejen ich ere e paar öm de Backe!

De Onkel Aujuss säht kee Woort, ävve de Tant Anna kreetsch: "Ich hann dich jesenn, wie ich ussem Jaade kohm! Kanns du bloß op de Desch jelaht hann! Söss woor kenne heh!"

Et Oovens fröoch de Papa: "Wat häss de dann mem Onkel Aujuss jemaht? – Su enn Biesterei!"

Ich saare: "Du häss doch fүүr de Onkel Aujuss jesaht, met däm

Autoren

Adele Müller
Maienstraße 2a
53840 Troisdorf

Dr. Wilhelm Neußer
Maienstraße 13
53840 Troisdorf

Zeichnungen

Eberhard Ohren
Pastorsbitze 11
53844 Troisdorf-Sieglar